



*Jumat, 12 Nopember 2021*

**Ogen: 1 Timotius 2:8**



**Kerina Erkemalangen Man Dibata**



Nggeluh itengah-tengah masyarakat bagepe ras perpulungan labo hal simenukah. La sitik si man perdiatoken, siman jagan ras ikutenken sue ras erbage-bage aturen si lit. Gelah ieteh kalak sitek tugas ras tanggungjawab kerna sie, rasul Paulus nehken pedahna arah surat-surat si itulisna. Ibas bagin renungenta enda sada hal siipersingetina eme gelah kerina min dilaki amin ijapa pe ia ertoto man Dibata. Konteks masyarakat patriarki ngidah maka kegeluhen jabu mbelin itentukan dilaki. Dilaki ertanggungjawab nehken pengajaren nandangi isi jabu. Ia desken imam guna mabai isi jabu gelah nggeluh sue ras sura-sura Dibata. Amin ibas Kristus janah kegeluhen gereja she paksa enda enggo mbelin perkembangenna. Dilaki ras diberu seri iadepen Dibata. Kerina min dilaki erkemalangen man Dibata alu ngelipat tanna. Ertoto erpengendes kerna erbage hal ibas kegeluhen enda.

Adi siperdiatoken kegeluhen ertoto ibas generasi sigenduari enggo mulai luntur. Erbage-bage kesibuken ras dahin erbahanca lupa ndalanken tanggungjawab ibas sienda. Amin lit nina kata kalak pentar `reh sibukna ia arusna reh buena waktuna ertoto' sabab ibas ndahiken dahin e reh belinna gegeh sialokenna guna ngelakoken dahin e. Tapi langa nterem kalak nggejabken hal sibagenda rupana.

Selaku Moria marilah si lakoken ras saksiken kegeluhen si ertoto, ngelipat tan, mungbuk iadepen Dibata ngendesken geluh dengen mindo perkuah ate. Geluh erkemalangen sibage rupana mabai isi jabu dengen jadi usihen man ia. Khususna perbulangen ras anak-anakta gelah tetap paguh sabab geluhna ngandalken Tuhan. Adi lang banci bene me generasinta enda sabab gegehna saja ngenca iasamkenna.